

8911  
2

ბ-ბ რეაქტი მონიტორინგის  
საქსეკრატო ბ. ლომთათიძე

შენიშვნა

აქტობლობი

ბ. ლომთათიძე და ი. ციციშვილი

ახალაღმოჩენილი აქლდამა მცხეთაში

(წარმოადგინა აკადემიის ნამდვილმა წევრმა ნ. ბერძენიშვილმა 18.9.1951)

საქართველოს ძველი დედაქალაქის მცხეთის მიწაში ბოლო ათი წლის განმავლობაში მრავალი მნიშვნელოვანი არქეოლოგიური ძეგლია აღმოჩენილი. 1951 წლის ივნისის შუა რიცხვებში იქ თავი იჩინა კიდევ ერთმა შესანიშნავმა ძეგლმა — კარგად შემონახულმა დიდმა, მავზოლეუმის ტიპის აკლდამამ<sup>1</sup>.

ეს აკლდამა მდებარეობს რკინიგზის სადგ. მცხეთის აღმოსავლეთით, 300-ოდ მეტრის მანძილზე, კლდოვანი მთის ციცაბო კალთის ძირას. ამ ადგილას ადრეცაა მცხეთის ექსპედიციის მიერ გათხრილი სამარხი ნაგებობანი — ახ. წ. I—III საუკუნეთა ლარბული ინვენტარის შემცველი, კრამიტით აშენებული. ამრიგად, აქ შეგვიძლია აღინიშნული დროის სამაროვანი ვივარაუდოთ.

აკლდამა ჩადგმულია ფერდობზე სავანებოდ ამოჭრილ, სწორკუთხოვან ქვაბულში (9,10×4,85 მ), რომელიც შემოზღუდულია ნატეხა ქვითა და თიხით, ყოფილად ამოყვანილად და შიგნიდან თიხასილი კედლებით. კედლების სიმაღლე 1,6—2,1 მეტრს აღწევს. ჩრდილო კედელში დატოვებულია ფართო (1,60 მ) შესასვლელი. აქ ზღბთ მიწაში გამოკვეთილია ან ქვით მოფენილი საფეხურები ჩადიოდა აკლდამისაკენ. შესასვლელი ქვით იყო ამოჭრილი — საფეხურებოა, მიცვალებულის დაკრძალვის შემდეგ<sup>2</sup>.

აკლდამა დამხრობილა დასავლეთიდან აღმოსავლეთისაკენ. მის უკავია შემოზღუდვლის დასავლეთი მხარე, საერთო ფართობის ნახევარზე ნაკლები, ასე რომ აკლდამის წინ არის სავაზოლ ვრცელი (5,23×4,50 მ) ეზო, რომელიც, ეტყობა, წინასწარ ყოფილა განკუთვნილი დაკრძალვის ცერემონიალისთვის. ამ ეზოში მიწა დატყეპნილი თიხითაა მოფენილი.

აკლდამა წარმოადგენს სწორკუთხოვანი მოყვანილობის სამარხზე სენაკს, რომელსაც კარი აღმოსავლეთ კედელში აქვს დატანებული. ამ სენაკის სიგრძე 2,33 და 2,37 მ უდრის, სიგანე — 1,75 და 1,80 მ, კედლების სიმაღლე კამარის ქუსლამდე — 0,93 მ, ხოლო თხემამდე — 1,90 მ. კედლები აგებულია ქვიშაქვის დარბონი თლილი ფილებით, უღებლად და, ეტყობა, გადასაბმელი სამაგრების გამოყენებლივ<sup>3</sup>. ამგვარივე ქვებითაა გამოყვანილი ნახევარწრიული კამარა, რომლითაც გადახურულია აკლდამა.

ფილები ერთიმეორეზე მჭიდროდ მორგებული და კარგად შერწყმულია, მაგრამ წყობის სისტემას სიმკაცრე არ ეტყობა. აკლდამის ყველა კედელი, კარის წირობლები და კამარის სქელი (1,5—3,0 სმ) შეუღესილია. ნაღესობა მშენიერიია. მის მოწითალო ფერი გადაპყრავს კირში სინტესტივამდობის მისანიებლად დაწყალი კერამიკის შერვის გამო.

(1 აკლდამა გათხარა და შესიწავლა ივ. ჯავახიშვილის სახ. ისტორიის ინსტიტუტის ექსპედიციამ (ხელმძღვანელი — მეცნ. კანდ. გ. ლომთათიძე; მონაწილენი: მეცნ. კანდ. ი. ციციშვილი, გ. ცქიტიშვილი, თ. ღამბაშიძე, ბ. კვეციანი და ე. კვეციანი). თხზი წარმოებდა 1951 წ. 15-დან 30 ივნისამდე.

(2 უდაღლობის გამო აკლდამის ნახაზებს აქ ვერ ვთავაზებთ. ისინი დაიბეჭდება უფრო ვრცელ მონოგრაფიაში, რომელიც მალე უნდა გამოქვეყნდეს.

(3 კედლების დატრდევვლად ეს დანამდვილებით ვერ გაირკვეოდა.

2052-1102  
1189/2

იატკად დაგებულია სხვადასხვა ზომის სწორკუთხეანი ფილები, რომელთა სისქე 20 სმ აღწევს. იმისათვის, რომ ფილები უფრო მჭიდროდ ყოფილიყო დწყობილი, მიწაზე წინასწარ ზოყრილია ღორღი და ქვემა.

ჩრდილოეთის, დასავლეთისა და სამხრეთის კედლები (რომლებიც თითქმის უშუალოდ ეხება გალავანს, შიდაპირისაგან განსხვავებით, უსწორმასწოროდ ნაწყობი ქვებითაა აწყობილი).

აქლამის აღმოსავლეთის ფასადი შემოიხილა მოყვითალო ქვიშაქვის სხვადასხვა ზომის ფილით კვადრებით. ეს კედელი დგას დაბალ, ერთსაფეხურთან ცოკოლზე და ზემოთ თავდება ფრონტონით, რომელიც დავგვირგვინებულია მარტივი, მუხდგნული პროფილის მქონე ლავარდნით. ფასადს ნაპირები უსწორმასწორო აქვს, ვინაიდან გვერდის კედლები ფრონტონის მიმართულებით თანდათან, საფეხურთა სახით ვიწროვდება. შუაში არის კარი, რომელსაც დაბალი ზღურბლი და მკაფიო-პარაფელიანი საპირე აქვს. კარში მჭიდროდ იყო გაჭედილი დიდი (1,03X0,68X0,20 მ) სწორკუთხეანი ლოდი, გამოჭრილი კირქვიანი ქვიშაქვისაგან.

მიუხედავად იმისა, რომ ფასადის კვადრები გულდასმითაა ერთიმეორეზე მორგებული, აქაქ სიმწყობრე დარღვეულია (ჩამოტეხილი კუთხეები, მეტად ფართო ნაწინებურები) და ასეთი ადგილები კიროთაა ამოღეს. კარს აქეთ-იქით წყობაში ჩანს რკალისებრი ნაკერები, რომლებიც შეესაბამებიან კამარის მოხაზულობას. ყურადღებას იქცევს აგრეთვე ფრონტონის ლავარდნათა დამაჯერებელი ხერხი: ორივე მხარეზე ქვედა კუთხე და ფრონტონის ტიპმანის ქვეშ მდებარე კვადრი ერთისა და იმავე დიდი ქვიშაქვიანი გამოჭრილი, ასე რომ ეს კუთხის ქვები გვერდიდან ამაჯერებენ ფრონტონის შუა ნაწილს.

პირანგის ქვებს ემჩნევა ქვისმთლილის ხუთი სხვადასხვაგვარი ხელსაწყოს კვალი. ეს უნდა იყოს ცულის, წალკატის, სათლელის, სარანდელისა და კბილანების იკვოს ტიპის იარაღები.

აქლამის ორკალთიანი სახურავი დახურულია ორი სახის დიდრინი კრამიტით. სახურავის მთელ ზედაპირს ფარავს ფართო და ბრტყელი, გვერდნაკეცილი, ხოლო მათ ნაწინებურებს უფრო ვიწრო ღარისებრი კრამიტები. ასეთი კრამიტი ძალზე გავრცელებულია ძველი მცხეთის ნაგებობათა შორის [1].

სახურავი ყოველ მხარეს დიდად სცილდება კედლებს. ზედ აქლამაზე კრამიტები უშუალოდ კირის თხელ ფენაზე აწყობა ქვის კამარის კალთებზე. კედლებს გარეთ კი ისინი დანდობლივ ყოფილა ხის ღარებებზე, რომელთა ზედა ბოლოები, ჩანს, აქლამის კოლხე ილი, ხოლო ქვედა — აქლამის გრძივი კედლების გასწვრივ ამოყვანილი ყორღ-კედლებზე.

კრამიტი, ისევე როგორც საერთოდ მცხეთის ძველი კრამიტი, კარგად გამომწვარი და წითლად შეღებილია. თითქმის ყველას აქვს ხელისნის ნიშნები. საყურადღებოა, რომ ყველა ბრტყელ კრამიტზე ერთი და იგივე ნიშანია გამოყვანილი, ხოლო ღარისებრი კრამიტებზე — შეიდანარი.

ძველი ვაღაჭრით პასუხის ვაცემა ერთ საკითხზე: თავის დროზე ამ აქლამას თავზე მიწა ეყარა, თუ იგი ჩანდა მიწის ზედაპირზე, თუნდაც ნაწილობრივ?


პირველ ვარაუდს მხარს უჭერს რამდენიმე გარემოება: ქვაბული არ შეტყვრის მიწისზედა მავზოლეუმს; ვალენის კარი ამოქოლილია; ფასადის პერანგის კვადრები ყოველთვის არაა საკმარის ზეითიად თლილი; ვალენის ჩრდილო-აღმოსავლეთ კუთხეში იატაკის დონეზე აღმოჩნდა ცხენის მთლიანი ჩონჩხი; თხრისას ჩანდა, რომ აქლამის ირგვლივ მიწა ხელოვნურად უნდა ყოფილიყო დაყრილი; არ აღმოჩენილა არავითარი წარწერა, ხოლო (მცხეთის ძველი) შესწავლით მიღებული გამოცდილების მიხედვით) წარჩინებული პირების სამარხთა წარწერები ზედ დაყრილ მიწაზე აღმართულ სტელეებზე იყო ხოლმე და არა თვით სამარხ ნაგებობებზე, რაიც ეს უკანასკნელები არ ჩანდა. დასასრულ შეგვიძლია ვაიხსენოთ ცნობილი რუსი არქეოლოგის ბ. ფარ მაკოვსკის აზრი, რომ „სამარხის მიწით დაფარვა უფრო უზრუნველყოფდა ნეშტისა და მისთვის დარჩალობის მიძღვნილი საგნების ხელუხლებლობას და თან უფრო შეეფერებოდა მიცვალებულის მიწაში დაფლვის იდეას“ ([2], გვ. 19).

მეორე მხრივ, კრამიტის სახურავი თითქოს არ უნდა დაფარულიყო მიწით. ამას ისიც მოწმობს, რომ კამარის ქულის დონეზე აღმოჩნდა სახურავიდან გადმოყრილი თუ გადმოცვენილი რამდენიმე კრამიტი, ე. ი. ერთ ღარის მიანც სახურავს მიწა არ ეყარა. სახურავის ზოგიერთი კრამიტის აშკარად ეტყობა ქვის დარტყმის კვალი და შეიძლება ეს ქვები ფერლობიდან ეცემოდა მიწაზე სახურავს.

აკლდამის ფასადის თავზე კრამიტები 70 სმ მანძილზე იყო სამ წყებად წინ გამოწვდილი. ეს სამი წყება ან ჩაყრილ მიწაზე იქნებოდა დანდობილი, ან არა და სამამისოდ ხნს საყრდენი იქნებოდა აშენებული, წინკარივით. შეიძლება სწორედ ამ მიზნით ჰქონდეს ფრონტონს გაკეთებული გამოწვევი ლავგარდნის თავზე.

მართალია, საქართველოში ამგვარი სამარხი ნაგებობა დღემდე მთელი არსად შეგვხვედრია, მაგრამ სხვაგან ელინისტურ ხანაში საქმოდ ხშირია აკლდამები, რომლებსაც ფასადი ან სულ ღია აქვთ, ან ისინი ნაწილობრივია ჩადგმული მიწაში. ასეთია, მაგალითად, ბისფორის ზოგი აკლდამა, თრაკიის ყარანთა აკლდამები და, ბოლოს, მცირე აზიის, კლდეში გამოკვეთილი აკლდამები ([3], გვ. 47, 110).

ყოველგვან ზემოთქმულის გათვალისწინების შემდეგ შეიძლება უეჭველად მივიჩნიოთ მხოლოდ ის, რომ აკლდამას მიწა დაყრილი ჰქონია სამი მხრიდან (სამხრეთიდან, დასავლეთიდან და ჩრდილოეთიდან) — კამარის ქუსლის ან, უფრო სწორედ, კრამიტის სახურავის დონემდე. ამ სამ მხარეზე გამოჩნდა მიწაში აკლდამის აგებაზე მომუშავე ქვისმთელეთა მიერ გადაყრილი ნატეხები. მიწა ფარავდა აგრეთვე ფასადის ნაპირებს, რომელთაც საფეხურისებრი პროფილა ჰქონდათ დატოვებული — ეტეობა, იმ ვარაუდით, რომ ისინი არ გამოჩნდებოდა.



ახლად აღმოჩენილ აკლდამას მოეპოვება ზოგიერთი ანალოგია შავი ზღვის ჩრდილო სანაპიროებზე, მცირე აზიაში და აღმოსავლეთ ევროპაში (იხ. მაგ. [3], გვ. 110, (4), გვ. 294, (5), გვ. 26).

მცხეთის აკლდამის ზოგიერთი ნიშანი წარმოდგენილია, კერძოდ, შავი ზღვის ჩრდილო სანაპიროთა ელინისტურ აკლდამებშიც. ასე, მაგალითად, ანაპის აკლდამაში ([3], გვ. 83, ტაბ. XXIX—XXX) უხედავთ ასეთივე კონსტრუქციის კამარას, ფილათა წყობას და კედლების შემოსვას კვადრებით. ტარაზოვსკაიას აკლდამებს ([3], გვ. 110, ტაბ. XXXV—XXXVI) ღია, დორიული

ფრონტონის მქონე ფსადაები, საფეხურისებრი კედლები და ქვის პერანგები აქვთ. ვასილურისკაია გორას აკლამას ([3], ტაბ. XI) აგრეთვე საფეხურებისებრივ გაფორმებული ფსადაი და ნახევარწრიული კამარა აქვს.

ჩვენი აკლამა, მიუხედავად ზოგი არსებითი სხვაობისა, უახლოვდება აგრეთვე ოლეის სამარხ ნაგებობებს (ახ. წ. II—III ს. ს.), მაგალითად, „ვერესიბიოსისა და არტეს“ აკლამის კამარა ქვის წყობითა და კონსტრუქციით ზედმიწევნით ჰგავს მის კამარას ([6], ტაბ. IV—VI). „ზევისის ყორდანის“ აკლამას მცხეთისა მოგავაგონებს კამარის წყობითა და კედლების შიდა პერანგით ([2], გვ. 17—23).

კიდევ უფრო ჰგავს მცხეთის აკლამა გეგმით, კომპოზიციითა და მშენებლობის ტექნიკით ქერჩის ცნობილს „დემეტრას აკლამას“, რომელიც აგებულია ახ. წ. I საუკუნის I ნახევარში — ყორანქვეშა აკლამებისაგან განსხვავებით, ბუნებრივ მალღობში ([3], გვ. 199; (5), გვ. 382).

მაგრამ ჩვენს აკლამას უახლოესი ანალოგიები, ბუნებრივად, საქართველოშივე მოეძებნება. ბაგინეთის აკლამას, რომელიც ახ. წ. II საუკუნეს მიეკუთვნება [7], ასეთივე გეგმა, კედლების პერანგი და ფრონტონის პროფილიანი ლავგარდანი აქვს და ამრიგად საეჭვო არ უნდა იყოს, რომ ეს ორივე ძეგლი დაახლოებით ერთსა და იმავე ხანაშია აშენებული. ამასვე ადასტურებს სრული იგივეობა ამ ორი ნაგებობის კრამიტებზე ამოჭრილი ნიშნებისა. უნდა გავითვალისწინოთ აგრეთვე არმაზციხის (ბაგინეთის) გალავნის პერანგისა და ჩვენი აკლამის პერანგის ქვების წყობის სრული მსგავსება (არმაზციხის ეს გალავანი, ირ. ციციშვილის აზრით, ახ. წ. I საუკუნეს მიეკუთვნება).

ამრიგად, მცხეთის აკლამის არქიტექტურა და ზემოთ განხილულ ძეგლებთან მისი შედარება საფუძველს გვაძლევს იგი ახ. წ. I და II საუკუნეთა მიჯნას მიეკუთვნონოთ. როგორც ქვემოთ დავინახავთ, შიგ აღმოჩენილი ნივთების ხნოვანებაც მხარს უჭერს ასეთ დათარიღებას.

მცხეთის აკლამა ანტიკურ ძეგლთა წრეში ექცევა. მის არქიტექტურულ ფორმებს გეზი უჭირავთ ელინისტური ხუროთმოძღვრებისავენ, რომელიც წინა აზიის ყველა ქვეყანაში იყო გავრცელებული.

მაგრამ უსათუოდ ხაზი უნდა გაესვას ამ ძეგლის თავისთავადობის მომასწავებელ ზოგ მხარეს. ფსადაი აქ ორიგინალურადაა გამოყვანილი და მას მასლობელი პარალელები არ მოეპოვება. ფსადის დამაგვირგვინებელი ფრონტონი ორი დაქანებული ლავგარდნისაგან შედგება და არა აქვს პირიზონტული ლავგარდანი, ასეთი რამ, როგორც ცნობილია, ბერძნულ-რომაული ხუროთმოძღვრებისათვის იშვიათ გამოჩაყლის წარმოადგენს. პირიქით, ამგვარი ფრონტონი ფართოდაა გავრცელებული ფეოდალური საქართველოს ხუროთმოძღვრებაში. იგივე შეიძლება ითქვას იმის შესახებ, რომ ფრონტონის ფუძე კამარის თხემის დონეზე უფრო დაბლა აღებარეობს (1. კედლების ქვები არაა მწყობრად და კლასიკური

(1) ასეთი ხერხი ყურადღებას იქცევს უფლისციხეშიც ([8], გვ. 122).

ხუროთმოძღვრებისათვის დამახასიათებელი მკაცრი სისტემით დალაგებული: ოსტატს აქ გაბედულად დაურღვევია ფენათა ჰორიზონტალობა და ისე დაუწყევია თლილი ქვები, როგორც მათი მოყვანილობა უკარანხებდა. სწორედ ეს ახასიათებს ქართულ ხუროთმოძღვრებას. გარდა ამისა, მცხეთის აკლდამას არ გააჩნია რომელიმე თუ ბოსფორული ძეგლებისათვის ჩვეული ნიშნები. მაგალითად, აქ არ არის სენაკში „დამაგვირგვინებელი ლეგარდანი, რომელიც ესოდენ ახასიათებს რომაული დროის აკლდამებს“ ([3], გვ. 275) და რომელიც კედლებს კამარისაგან გამოყოფს ხოლმე.

აქვე უნდა გავხსენოთ სტრაბონის ცნობა (რომელსაც ახლა ახალი, კიდევ უფრო ცოცხალი შინაარსი ენიჭება) იმის შესახებ, რომ იბერიაში ყოფილა ხუროთმოძღვრების წესებისამებრ აგებული და კრამიტით დახურული შენობები ([9], გვ. 217). ცხადია, რომ ამ სიტყვებში ვერ ვეგულისხმებთ რომელიმე ხუროთმოძღვრების „წესებს“, რომელთა გავლენა სტრაბონის დროისათვის ჯერ კიდევ ვერ იქონია თავს (შდრ. [10]).

აღნიშნული მომენტები მოწმობს ჩვენებური ოსტატების შემოქმედების დამოუკიდებლობას. ჩვენ წინაშეა მკაფიო მაგალითი იმისა, თუ ძველი ქართული ხელოვნება, ელინისტური კულტურის ტრადიციებით გამდიდრებული, როგორ განაგრძობს განვითარებას და თან თავისთავადობას არ კარგავს.

აკლდამა, როგორც უკვე ითქვა, მშენივარადა შემონახული. მაგრამ ჯერ კიდევ მისი გათხრის დაწყებამდე ცხადი შეიქნა, რომ იგი გამარცხელი ყოფილა. მძარცველებს კამარა ჩაუტეხნათ (45×60 სმ ფართობზე, აღმოსავლეთით, ზედ ფრონტონთან) და ისე ჩასულან აკლდამაში, ასე რომ სამარხში თითქმის საყურადღებო აღარაფერი უნდა აღმოჩენილიყო. მაგრამ მიწის გათხრამ გამოიკრის შედეგად გამოვლინებულ იქნა მრავალფეროვანი და უთუოდ მდიდრული ინვენტარისაგან შემორჩენილი ბევრი ნივთი.

აღამიანის ძვლები ცუდად დაცული და ძლიერ არეულ-დარეული იყო. რის გამოც ძნელა დარბაზულთ გვემის მდებარეობა-დამხრობის შესახებ მსჯელობა. ისლა ითქმის, რომ თავის-ქალა სამარხის დასავლეთ ნაწილში იყო. სრულწლოვანი აღამიანის ძვლებს გარდა ბავშვის ძვალთა ნამტვრევებიც აღმოჩნდა.

ეტყობა, მიცვალებული სარეცელზე ყოფილა დასვენებული. ამას გვაფიქრებინებს: დიდრონი, კარვად შენახული; დახვრტილი ფიცრები და მათთან დაკავშირებული რკინის სალტეები, ბრინჯაოს საკეტები, ორნამენტული ნაწილები (მათ შორის ქვირთული), ლურსმნები და სხ. მდიდრული დასაკრძალავი სარეცლის ნაშთები (ვერცხლით გარშემოქცეილი ფეხები) აღმოჩენილა ბორის სამარხებში [11]. არამაზისხევის ერისთავთა სამარხების სამ სამარხში [12] და ბაგინეთის სარკოფაგში.

მრავლად აღმოჩნდა ნიარნაირი ჭურჭლეული. ვერცხლის ჯამებისა თუ პინაკებისა წერილ-წერილი ნატეხებულა შემოვარჩა. მთელია მხოლოდ ერთი პატარა ლამბაქი, რომელიც, ჩანს, პირსადავუთო საგნებს განეკუთვნება. იგივე დანიშნულება უნდა ჰქონდეს ზღვის ორ ნიქარას. ერთი ასეთი ნიქარა აღმოჩენილა სამთაროს 1—III ს. ს. მდიდრულ სამარხშიც [1940 წ. სამხრეთი უბნის სამარხი № 212]. მინის ჭურჭელი წარმოდგენილა მშენივარად ნაქეთები, მუქი იისფერი ორი თევზისა და ერთი პაწია ფილის და აგრეთვე თხუთმეტიოდ სხვადასხვაგვარი, დიდპატარა სანელსაცხებლის სახით. ასეთი სანელსაცხებლები ჩვეულებრივია ბორისა და მცხეთის ახ. წ. I—III ს. ს. სამარხების ინვენტარში [11, 12]. მინის ამგვარი თევზები და ფილა კი პირველად გვხვდება ჩვენში. აღნიშნული დროის მდიდრულ სამარხებთან შედარებით უჩვეულო ელემენტია თიხის ჭურჭელი, რომელიც აქ წარმოდგენილა რამდენიმე წითლად გამოწვარი ჯამითა და ჭრახით. აგრეთვე უჩვეულოა ის გარემოება, რომ ჩვენს აკლდამაში აღმოჩნდა მსხვილფეხა პირეტყვის ძვლები. მიცვალებულისათვის ზორცის ჩატანება აქ არქაულ გადმონაშთად უნდა ჩაითვალოს: დღემდე ამ წესს მცხეთის სამარხებში უხედავით არა უხვანეს ძვ. წ. V—IV საუკუნეებისა.

ინვენტარის ყველაზე უფრო მრავალრიცხოვან ნაწილს შეადგენს სამკაული, რომელთა შორის არტუთ ცოტა შემორჩენილა ოქროსი. ამ უქანსკენლოვან ყველაზე უფრო საყურადღებოა ერთი მისთვის ამზინდა, რომელიც წითელი თვლებით მოჭვილი და გავარსით დამშენებულია. მიწიდან გამოიყრბა ეს უქანსკენლი ათეულობით ოქროს მძივი, საყიდი და ქსვილზე დასაყვრებული კილიტა. ეს უქანსკენლი ზედმოწყვნით მოგვავონებენ არმაზისხევის ერისთავთა სამარონის ზოგიერთ სამარხში და აგრეთვე ბაგინეთის სარკოფაგში (ახ. წ. II—III ს. ს.) მრავლად აღმოჩენილ კილიტებს. ისინი ითვლება მიდრეული წამოსასხამის ან ვადასფარის მძივად. ძალიან ბევრი ეყრა სამარხში ძვირფასი თუ ნახევრად ძვირფასი ქვებისა და მინის თვლები (ერთი მათგანი წარმოადგენს ფაქვ გემას დედენის დამოსახულებით), თუ ვაეისხეხებთ არმაზისხევის მე-6 სამარხს, სადაც აგრეთვე მიმობნეული იყო ნაირნაირი თვლები, მთუხედავად იმისა, რომ ოქროს რთული სამკაული ყველა თავის ადგილას იყო და დაუზიანებელი, უნდა ვიფიქროთ, რომ ეს თვლები დამოუკიდებელ სავანთა სახით ჩაუტანებიათ მცველებმუსათვის. მრავლად აღმოჩნდა აკლდამაში აგრეთვე ნაირნაირი მძივები, მცხეთის ახ. წ. I—III ს. ს. სამარხებისათვის დამახასიათებელი ტიპისა. ყურადღებას იქცევს რამდენიმე საყიდი ავგაროზი (ლომის და ფრინველთა გამოსახულებანი).

სრულიად განსაკუთრებულია ამ ინვენტარში ერთი სავანი. ეს არის ბრინჯაოსავან ჩამოსხმული ღრუ ქანდაკება, რომელიც გამოხატავს შიშველ ჰაბუქს, წელს ზევით. იგი, ეტყობა, რაღაც სავანზე წამოცმული და სამსკვალით დამაგრებულიც ყოფილა. ჰაბუქს უწყურვლავაშო პირისახე, ტალიღვანი თმა და ძლიერ გრძელი, წვეტიანი ყურები აქვს. ხელები ისე უჭირავს, თითქოს სალაშურს უკრავსო. ქანდაკება საგანგებოდაა შესასწავლი. საქართველოს არქეოლოგისათვის იგი შეიძლება უნიკალურ სავანად ჩაითვალოს.

აკლდამის ინვენტარის დიდი თავისებურებაა აგრეთვე მონეტების მრავალრიცხოვანება. აღმოჩენილია 54 ვერცხლისა და 9 ოქროს ფულე (1. ერთიც ოქროს მონეტის მსგავსი ფირფიტა, რომელიც ბირთობით მონეტის ნამზადად შეგვიძლია მივიჩნიოთ. ეს მით უფრო დასაშვებია, რომ ცხრიდან 5 ოქროს მონეტა წარმოადგენს ჩვენში მთქრლ ფულს, ე. წ. „ოქროს კოლხურს“ [13]. დანარჩენი 4 რომული აურეუსები: ტიბერიუსისა (14—37 წ. წ.), ნერონისა (54—68 წ. წ.), ვიტელუსისა (69 წ.) და ვესპასიანესი (69—79 წ. წ.). ვერცხლის ფულის უმეტესობას წარმოადგენს პართული დრაქმები<sup>4</sup> 47 ცალი ეკუთვნის ოროდ I (54—37 წ. წ.), ხოლო თითო-თითო — არტაბას (88—77), სინეტრუქს (77—70), ფრაატ III (70—57) და ფრაატ IV (37—2). არის ავეუსტეს 3 დენარი და ორიოდე ბოსფორული მონეტაც. როგორც ვხედავთ, ძეგლის ხნოვნების დასაზუსტებლად ყველაზე მეტი მნიშვნელობა უნდა მიენიჭოს ვესპასიანეს აურეუსს. მისი მიხედვით, სამარხის ინვენტარი ვერ დათარიღდება ახ. წ. I საუკუნის 70-იან წლებზე ადრინდელ დროით.

მონეტები, ინვენტარის საერთო იერი და მისი არქაულობის ზოგი ნიშანი (არმაზისხევის ერისთავთა სამარხებისა და ბაგინეთის სარკოფაგის ინვენტართან შედარებით) და აგრეთვე თვით აკლდამის არქიტექტურა, ერთობლივ, უფლებას გვაძლევს აკლდამის აგება ახ. წ. I საუკუნის ბოლოთი და ვათარილოთ.

მცხეთის აკლდამა არის ფრიად შეძლებული ადამიანის ტიპობრივი სამარხი. ინვენტარის შედგენილობა (პირსაფარეშო სავანები, იარაღის უქონლობა და სხ.) გვეფიქრებინებს, რომ აქ დაკრძალული უნდა იყოს ქალი—ისევე, როგორც არმაზისხევის №2, 6 და 7 სამარხებში (ერისთავთა ცოლები და ასულელები [12]. ბაგინეთის სარკოფაგში (ა. აფაქიძის აზრით, მეფის ასული) და სამკავროს სამხრეთი უბნის 212-ე სამარხში. მით უფრო ბუნებრი-

(<sup>4</sup> მონეტები განსაზღვრა ს. ჯანაშიას სახ. საქართველოს სახელმწიფო მუზეუმის ნუმისმატიკის კაბინეტის გამგემ დ. კაკანაძემ.

ვია სრულწლოვანთან ერთად ბავშვის ძვლების აღმოჩენაც (შდრ. არმაზისხევის სამარხები №№ 2, 6).

თვით აკლდამა, ჩანს, აგებულია საცხოვრებელ და უფრო კი საკულტო ნაგებობათა მიბაძვით. აკლდამის ეზოს კუთხეში ცხენის დამარხვის ფაქტი მოწმობს, რომ უფრო ადრე დამოწმებული ჩვეულება წარჩინებულ მიცვალებულთათვის მსხვერპლად ცხენის შეწირვისა ([3], გვ. 64, (4), გვ. 372) მოგვიანებოდაც არ მოშლილა. ამასთან დაკავშირებით უნდა გავიხსენოთ ზოგიერთი ფაქტი საქართველოს არქეოლოგიიდან, რომლებიც უეჭველყოფს ამ ჩვეულების ჩვენი ძველთაგანვე გავრცელებულობას (იხ., მაგ.: [14], გვ. 47; (15), (14), გვ. 34—41, (8), ტაბ. 30—32). ოღონდ ყურადღებას იქცევს ის გარემოება, რომ, აქ მითითებული შემთხვევებისაგან განსხვავებით, მცხეთის აკლდამის ეზოში დამარხული ცხენი უბელო ყოფილა, ე. ი. ისეთი, როგორც ბორისა და არმაზისხევის პინაკებზეა გამოხატული, ეს, მეორე მხრით, მოგვაგონებს საქართველოს მთიანეთში XX საუკუნემდე შემორჩენილ წესს: მიცვალებულის გასაპატიონებლად მისი დამარხვის დღეს უბელო ცხენს მანამ აჭენებდნენ, სანამ გული გაუსკდებოდა და ამრიგად „გაბატანდნენ“ ხოლმე მას მიცვალებულს „საიქიოში“.

მიცვალებულის სარეცელზე დასვენება, მდიდრული ინვენტარის შედგენილობა, ხორცის ჩატანების ფაქტი და ზოგიც სხვა მომენტი ღირებულსა და ნაწილობრივ ახალ მასალას გვაძლევს საიმისოდ, რომ ვიმჯღლით ძველი იბერაელების შეხედულებაზე „საიქიო ცხოვრების“ შესახებ და დაკრძალვის წეს-ჩვეულებაზე, რომელიც, ჩანს, რამდენადმე განსხვავდება მოამდევნო (II—III) საუკუნეთა სამარხებში დამოწმებულა წეს-ჩვეულებისაგან.

რაც შეეხება თვით სამარხ ნაგებობას, არმაზისხევისა და ბაგინეთში გათხრილი წარჩინებულთა სამარხებისაგან იგი აშკარად გამოირჩევა, როგორც გაცილებით უფრო მონუმენტური შენობა.

ბაგინეთშივე აღმოჩენილი, ჩვენი აკლდამის მსგავსი და პირობით მეფის მავზოლეუმად მიჩნეული ნაგებობის ნაშთები ([7], გვ. 193) ძველი ქართლის მეფეთა ადგილსამყოფელ დედაციხეშია. ახალი აკლდამის აღმოჩენის შემდეგ მტკვრის მარჯვენა ნაპირას ვვაქვს უკვე სამი ცალკეული პუნქტი, სადაც ახ. წ. I—III საუკუნეთა კულტონი, უადრესად მდიდრული სამარხებია მიკვლეული. შეიძლება გამოითქვას მოსაზრება, რომ მცხეთის სადღურთან მდებარე აკლდამა ეკუთვნის ქართლის მმართველთა წრის წარმომადგენელს, რომელსაც დაახლოვებით 1 საუკუნით უფრო ადრე უცხოვრია, ვიდრე არმაზისხევის სამარხებში და ბაგინეთის სარკოფაგში დაკრძალულთ. მის ვინაობას კონკრეტულად არაფერი მიგვითითებს, მაგრამ შეგვიძლია ვივარაუდოთ, რომ აქ, მაგალითად, ან სხვა, უფრო მაღალი რანგის ერისთავების სასაფლაოა, ან იმ ეზოს-მოძღვართა დინასტიისა, რომელთა არსებობა „არმაზის ბილინგვის“ აღმოჩენისა და წაყითხვის შემდეგ შეიქმნა ჩვენთვის ცნობილი [16].

ახალდმოჩენილი აკლდამის მნიშვნელობა იმით როდი ამოიწურება, რომ ის ავსებს დიდ ხარვეზს ქართული ხუროთმოძღვრების ისტორიაში. იგი წინა-

ფეოდალური ხანის საქართველოს კულტურისა და ანტიკური კულტურის ძეირფასი ძეგლია და ახალ მასალას გვაწვდის ძველი საქართველოს თავისთავადი ინტენსიური კულტურული ცხოვრების შესახებ.

საქართველოს სსრ მეცნიერებათა აკადემია  
ივ. ჯავახიშვილის სახელობის ისტორიის ინსტიტუტი.

(რედაქციას მოუვიდა 18.9.1951)

### დამოწმებული ლიტერატურა

1. ი. ციციშვილი. მცხეთის ანტიკური კრამიტის შესწავლისათვის. საქართველოს სსრ მეცნიერებათა აკადემიის მოამბე, ტ. X, № 8, 1948.
2. Б. В. Фармаковский. Раскопки в Ольвии в 1902—1903 годах. Известия имп. археологической комиссии, вып. 13, 1906, СПб.
3. М. Ростовцев. Античная декоративная живопись на юге России. 1914, СПб.
4. В. Ф. Гайдукевич. Боспорское царство. М.—Л., 1949.
5. С. А. Кауфман. Памятники этрусской архитектуры. Всеобщая история архитектуры, т. II, кн. 2. 1948, Москва.
6. В. В. Фармаковский. Склеп Еврисивия и Ареты в Ольвии. Изв. имп. арх. ком., вып. 3, 1902, СПб.
7. ი. ციციშვილი. ანტიკური დროის აკლამა ბაგინეთში. საქართველოს სსრ მეცნიერებათა აკადემიის მოამბე, ტ. XI, № 3, 1950.
8. შ. ამირანაშვილი. ქართული ხელოვნების ისტორია, ტ. I, 1944, თბილისი.
9. В. В. Латышев. Известия древних писателей о Скифии и Кавказе. Вестник древней истории, № 4, 1947.
10. Н. А. Бердзенишвиди и Г. А. Ломтатидзе. Новые раскопки в Михета гав. „Заря Востока“, № 183, 1951.
11. Е. Придик. Новые кавказские клады. Материалы по археологии России, вып. 34. СПб, 1914.
12. გ. ლომთათიძე. არქეოლოგიური გათხრები საქართველოს ძველ დედაქალაქში. თბილისი, 1945.
13. Д. Г. Капанадас. О древнейших золотых монетах Грузии. Вестник древней истории, № 3, 1949.
14. Б. А. Куфтин. Археологические раскопки в Триалети, I, Опыт периодизации памятников. 1941, Тбилиси.
15. Я. И. Смирнов. Ахалгорийский клад. Тбилиси, 1934.
16. გ. წერეთელი. არმაზის ბილინგვა. „ენიმის“ მ. პი ტ. XIII, თბილისი, 1943.

1897  
თ